



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : 拔萃男書院附屬小學  
**學校名稱** : DIOCESAN BOYS' SCHOOL PRIMARY DIVISION  
**Name of Play 劇名** : 縣官審石頭 (中國民間故事)  
**Script writer 劇作者** : 改編者 家輝哥哥 (導師)

**Synopsis 故事大綱：**

清河縣 有位縣官張士林大人，正直廉明深受百姓愛戴。一天對油販兄弟賣後在路邊睡着，醒來後發現賣油賺的錢不翼而飛他們便向張大人求助。聰明的張大人以審石頭為名，用計找出犯人，替油販兄弟回錢袋。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

序	
	(傳來開場音樂，調子輕快悅耳)
	(眾村民從四邊進場，各自在叫賣)
村民一：	今日啲魚好新鮮，又平又靚呀！
村民二：	啲豬腩肉好新鮮㗎！
村民三：	大減價！雞蛋大減價！
村民四：	新鮮蔬菜呀！快啲嚟買喇喂！
村民五：	大家快啲嚟買羊喇！
村民六：	樣樣都好新鮮㗎！
村民五：	大家快啲嚟買羊喇！
村民六：	樣樣都好新鮮㗎！
村民八：	大減價！工具大減價呀！
村民九：	呢隻野豬啱啱捉㗎！好新鮮㗎！
老婆婆：	真係唔錯㗎！我要一斤啦！
村民七：	老伯伯早安！咁早就嚟市集嘅？
老伯伯：	老師早安！早啲嚟行下吓嘛！
	(開場音樂漸退，台燈漸亮)
	(油販兄弟從台邊進場)
油販兄：	呢度就係中國河南省清河縣嘅一個小鎮，除咗我同弟弟，呢度重住咗好多村民……
油販弟：	佢哋生活得咁開心，都係因為呢度有一位正直廉明嘅縣官！你哋又知唔知係邊個呢？
眾村民：	(齊聲) 梗係知啦！係正直廉明嘅縣官張士林大人呀嘛！
眾官兵： (場外音)	(齊聲) 張大人駕到！！！！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(油販兄弟退場，眾官兵與張大人進場)	
張大人：	(走到台中前方) 各位村民！早安！
(各村民圍着張大人，連聲道謝)	
村民五：	多謝大人幫我搵返隻羊！
村民三：	多謝大人幫我搵返隻雞！
村民六：	多謝大人幫我搵返隻貓！
村民二：	多謝大人幫我搵返隻豬！
村民八：	多謝大人幫我搵返把鋸！
老伯伯：	多謝大人幫我搵返本書！
村民四：	多謝大人借咗塊田畀我種菜！
村民一：	多謝大人送咗個新魚網畀我！
老婆婆：	多謝大人送咗幾件衫畀我着！
村民九：	多謝大人一路以嚟幫我哋條村查案！
村民七：	全靠你幫我哋捉晒啲壞人咋！
張大人：	(忙着回應) 唔駛客氣！唔駛客氣！
眾官兵：	(齊聲) 大人，頂轎已經準備好啦！
官兵首領：	(踏進轎子) 起轎！回府！
眾官兵：	(齊聲) 張大人……回府！
(張大人與眾官兵在舞台上兜圈子，眾村民也邊揮手道別邊退場)	
(傳來過場音樂，台燈漸暗)	



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場	
	(油販兄弟抱着石頭進場，蹲在地上痛哭)
	(過場音樂漸退，台燈漸亮)
張大人：	(聽到哭聲，大喝) 停轎！
	(眾官兵停下轎子，張大人走到油販兄弟身旁)
張大人：	呢兩位小兄弟，因乜事喊得咁慘呀？
油販兄：	(抬頭，齊聲) 啊！原來係張大人！小民好慘呀！
油販弟：	大人一定要救下我哋呀！
張大人：	好！好！好！你哋有乜嘢事即管講出嚟聽聽！
油販兄：	係咁嘅，大人！小民係賣油嘅！今朝早我同家弟擺咗啲油去市集度賣，一共賣到五十個銅錢，咁我哋就將啲錢放咗喺個錢袋入面……
油販弟：	(搶着說) 但我哋頭先返屋企嗰陣，因為太眼瞓喇，所以就諗住喺路邊瞓一陣……
油販兄弟：	(齊聲) 點知，醒返就唔見晒啲錢喇！
張大人：	(奇怪) 下？醒返就唔見晒啲錢？
眾官兵：	(齊聲) 咁奇怪？
油販兄弟：	(齊聲) 真㗎，大人！
張大人：	咁你哋瞓覺之前，將啲錢擺咗喺邊？
油販兄：	(指着身旁的大石頭) 我哋將個錢袋放咗喺舊石頭上面囉！
張大人：	喺舊石頭上面？
油販弟：	珍珠都有咁真㗎，大人！
張大人：	好古怪…… (踱步至一旁)
	(眾跟隨)



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

張大人：	好離奇……（踱步回一旁）
（眾又跟隨）	
張大人：	好可能……（又踱步至一旁）
眾：	（齊聲）點呀，大人？
張大人：	（望望眾人）……（指着大石頭）係舊石頭偷晒啲錢！
眾：	（齊聲）石頭都會偷錢？
張大人：	（大喝）人嚟！
眾官兵：	（齊聲）在！
張大人：	同我將舊石頭，帶返衙門！
眾官兵：	（大驚，齊聲）乜話，大人？
（傳來過場音樂，台燈漸暗）	
（張大人離場，眾官兵捧着石頭和轎子，跟隨離去，油販兄弟呆在台中）	
（大幕漸關）	